

「傳福音」ê觀念到底是什麼？

福音ê關懷需要互青年感受到，咱愛理解他無助ê狀態。

文、圖 | 黃政凱 / 六甲基督長老教會傳道師

歸屬ê所在

日頭出來，人攏渴慕行出所住ê所在，cháu-chhōe 更較好ê未來；日頭落山，月娘出來，人攏渴慕有一个歸屬ê所在，好好歇睏設想更較好ê未來。

M-kó 離開故鄉去打拼ê青年，無有真正歸屬ê所在，當 teh cháu-chhōe 未來ê方向，心內充滿未知、驚惶，koh 有厭惡世間ê感覺。這個時陣，部分青年會進入懷疑世間ê深淵，誰攏無可能將 in giú 出來；因為這個世界毋是對 in 友善ê所在，也無互他說出真實想法ê所在。

離開教會

所以對這些青年來說，唱卡拉OK、喝酒、玩電動，攏是對 in 最友善ê方式。福音對 in 來講，只不過是充滿逐種安定條件ê人在玩ê東西；福音對 in 來講是拒絕ê，因為無人理解

青年內心無助所產生ê厭惡。通常出去外地打拼ê青年，是無容易自己行入另外一間教會、另外一個團契，in 會開始離開教會遠遠。這不是青年ê不對，因為咱無法度了解他心內ê壓力。

福音是什麼？

福音是什麼？一個青年 chū 細漢 kàu 大漢攏攏教會，續去到外地就無閣去教會與團契，福音 kiám-ū 離開他？是他ê不對嗎？答案可能 m̄ 是這樣，有可能是他ê生命失去靈性ê支持。

福音對我來講，是人內心無助、破碎ê聲音需要互上帝聽見！福音ê關懷需要互青年感受到，咱愛理解他無助ê狀態。這個時候他需要ê不是一位宣教師，是需要一位聽他靈魂ê聲ê屬靈同伴。咱需要打破對咱自己身分ê認知，引導青年繼續過教會生活。



本文母語聲音QR Code